

德陽縣新志卷九

職官志

德陽自漢初置縣竹縣爲都尉治蜀漢始分置陽泉東晉以後則嘗置晉熙南陰平南新巴諸郡晉熙葭陽南陰平諸縣迄唐初乃定爲德陽縣竹二縣至今仍之此二千年中改併無常沿革芴如縣則有令有丞有尉有主簿教諭訓導巡檢典史等官郡則有太守有長史有別駕有治中有功曹督郵從事參軍等官或設或否爲正爲攝列秩不同班祿亦殊蒞斯任者豈鮮惠及烝黎功在社稷之賢乃文獻無徵微論事蹟泯滅姓氏且莫得而紀也茲僅就史傳志乘碑碣中畧存一二於千百以俟後之博雅君子嗣爲增補云

漢

張嶷字伯岐巴西南充國人弱冠爲縣功曹先主定蜀之際山寇攻縣縣長捐家逃亡嶷冒白刃攜負夫人得免由是顯名州召爲從事時郡內士人龔祿姚佃位二千石當世有聲名皆與嶷友善建興五年丞相亮北住漢中廣漢縣竹山賊張慕等鈔盜軍資劫畧吏民嶷以都尉將兵討之嶷度其烏合難以戰擒乃詐與和親克期置酒酒酣嶷身率左右因斬慕等五十餘級渠帥悉殄



尋其餘類旬日清泰見三國志本傳益部耆舊傳云崑
出自孤微而少有通壯之節

閻憲字孟度成固人東漢章帝章和閒爲縣竹令以禮讓
爲化人莫敢犯男子杜成夜行得遺物一囊中有錦二
十五匹求其主還之或曰暮夜無人何不持去曰縣有
明府何敢負也童謠歌曰閻尹賦政旣明且和去苛去
羣動以禮讓後遷蜀郡民涕泣送之見華陽國志

王甫字國山廣漢郫人也劉璋時爲州書佐先主定蜀後
爲縣竹令還爲荊州議曹從事隨先主征吳軍敗於秭
歸遇害子祐有父風官至尙書右選郎見三國志楊戲

德陽縣新志

卷九

職官

傳季漢輔臣贊註

錡裒爲縣竹令死於黃巾賊之亂詳人物韓揆傳揆爲主
簿而以忠事之則裒亦當時之賢令長也

李昇中平五年以劉焉爲益州牧焉入蜀會賊殺縣竹令
李昇益州從事賈龍破滅之

費詩字公舉犍爲南安縣人劉璋時爲縣竹令先主攻縣
竹詩先舉城降成都旣定先主領益州牧以詩爲督軍
從事出爲牂牁太守還爲州前部司馬後羣臣議欲推
漢中王稱尊號詩上忤指左遷部永昌從事蔣琬秉政
以詩爲諫議大夫卒於家見三國志本傳又注引孫盛

蜀世譜云詩子立晉散騎常侍自後益州諸費有名位者皆詩後也

馬謖字幼常良弟襄陽宜城人以荊州從事隨先主入蜀除縣竹成都令遷越巂太守才器過人好論軍計丞相諸葛亮深加器異先主臨薨謂亮曰馬謖言過其實不可大用君其察之亮猶不然以爲參軍引見談論自晝達旦建興六年亮出軍向祁山拔謖統大眾在前與魏將張郃戰於街亭爲郃所破下獄物故亮爲之流涕時年三十九見三國志馬良傳

呂乂字季陽河南南陽人中平五年父常送故將軍劉焉

德陽縣新志

卷九 職官

三

入蜀值王路隔塞遂不得還乂少孤好讀書鼓琴初先主定益州置鹽府校尉較鹽鐵之利後校尉王連請入爲典曹都尉遷新都縣竹令乃心隱卹百姓稱之爲一州諸城之首後遷巴西太守徙漢中太守亮卒累遷廣漢蜀郡太守後入爲尙書代董允爲尙書令乂歷職內外治身儉約謙靖少言爲政簡而不繁號爲清能延熙十四年卒見三國志本傳

韓揆邑主簿詳人物本傳

樊

名字

見沈子琚碑載沈君以熹平三年到郡縣竹令

樊君以次年到縣雖石多剝缺文句斷續其閒指意猶

可推尋蓋二人相繼到官俱以移風惠民爲意碑稱其
視事之初百姓躬耕者少漑田邱荒有遣都水掾水曹
史等姓名有繕作瀟灘之句又有陂田及渠口之字末
云水由地中通利便好五稼豐茂人民歸附所紀蓋水
利之事也子琚或作子璩見州志

音

許遜字敬之其先潁陽許由之裔曾祖鏊祖玉父肅漢末
避地豫章生遜神明天詣讀書通天文地理音律五行
經緯之學嘗射鹿子墮母舐之大感動折弓矢去之修
神仙之術高隱不樂仕宦以孝廉著太康元年徵爲旌

德陽縣新志

卷九

職官

四

陽令今德陽也置歲饑民困於賦稅多所流亡遜悉力
救之不足乃取神丹化石爲金雜諸瓦礫散後圃役貧
不能輸者鋤治其閒皆得金以充賦凡所以陰祐於民
者類如此郡大疫多沈疴死遜出神方療之皆愈自是
蜀人祠而祝之東南之民猶稱許旌陽焉見虞集祠堂
記詳祠廟名勝志云蜀民爲之謠曰人無盜賊吏無奸
欺我君活人病無能爲

常騫字季慎蜀都江原人祖父竺字代文南廣太守侍中
父偉字公然閩中令騫治毛詩三禮以清尙知名州辟
部從事主簿郡請功曹察孝廉萍鄉令以選爲國王侍

郎出爲縣令國王歸之復入爲郎中令從王起義兵
有功封關內侯遷魏郡太守加材官將軍以晉政衰觀
中原不靜固辭去官拜新都內史時蜀亂民皆流在荆
湘徙湘東太守疾病未拜卒年六十八騫性泛愛敦敬
友宗族當官修理恕以撫物好咨問動必謙讓州鄉以
爲儀範二州清官見述者先有宜都太守犍爲唐定義
葉隴西太守巴西馮企休翊而後騫云見華陽國志

唐

蕭道宏

字文

名

河南人俱顯慶中德陽縣知縣

王敬

顯慶中德陽縣縣丞

以上竝見王勃善寂寺碑記

德陽縣新志

卷九

職官

五

衛介顯慶中德陽縣主簿見舊志

宋

張鑑政和中德陽縣知縣

馮之異開禧中德陽縣知縣

張綽宋邑令 以上竝見州志

趙圻浚儀人開禧中知德陽縣事鑿享泉以資灌溉民至

今賴之見舊志

麻溫文上谷人景祐中德陽縣知縣見舊志

鄭少微字明舉華陽人少孤力學元祐中成進士時蘇軾

知貢舉黃魯直與校藝少微及古鄆楊天惠三嶠李新

時人稱爲三儁政和閒知德陽縣事政教兼舉有孝感

廟記見舊志

張權監德陽縣商稅武興之變避位去官蓋忠義之士也

見朝野雜記

宇文師獻字德濟成都人紹興中為德陽縣縣丞居官維謹以種學績文為事從邑中老成宿士考古不倦聞見益廣聲譽益著後遷縣令會詔從臣各舉所知尚書兵部侍郎楊椿以聞召赴行在見舊志

黃震卿開禧中德陽縣主簿見舊志

元

王忠信至元中德陽縣知縣 徐祥兗城人大德中德陽

德陽縣新志

卷九 職官

六

縣知縣 李文中延祐中德陽縣典史 以上竝見舊

志

明

溫文 郭淑文 羅健俱洪武中德陽縣知縣 李濟官

德中德陽縣知縣 張堦 姚英銅仁監生 屈原俱

正統中德陽縣知縣 周鐘 陳容俱景泰中德陽縣

知縣 王雅天順中德陽縣知縣 以上竝見舊志

吳淑江南宜興進士成化二年以雲南御史謫知德陽縣

事恢學宮清邑治勤恤民隱時稱賢令見舊志

方正 錢生吳興人 胡澄浮梁舉人俱成化中德陽縣

知縣 孫俊渭南舉人 孫讓城固舉人俱宏治中德陽縣知縣 吳璉代州舉人嘉靖中德陽縣知縣 以上並見舊志

姜珍金華監生嘉靖中知德陽縣事立政平易持守清白一時稱吏治者咸以珍爲首見舊志

劉珣臨安舉人 陳德 吳超大治監生 陳鎬蘭州舉人

尹孔常安福舉人 張奎普定舉人 趙儒洱海

舉人 袁一貫醴泉舉人 郝人英長治舉人 拜完

臨安舉人 羅錦雲南監生俱嘉靖中德陽縣知縣

以上並見舊志

德陽縣新志

卷九

職官

七

焦英泰興人嘉靖中知德陽縣事不攜家室寢所衣笥撥吏守之政先大體縣陽江漲蓄城脚築堤數里以爲捍衛高二丈寬稱之至今賴焉以奉文督采大木爲上官所忌下獄尋得白歸惟圖書數卷而已見舊志

齊清滄州舉人爲人短小精悍饒有才智嘉靖末知德陽縣事縣舊有協濟絳州馬匹清力言其不可仍徵銀折價值趙文肅公過縣咨馬政清陳其利病條對剗悉文肅入朝卽召爲太僕寺丞見舊志

莊自勉字子貴南寧人隆慶間恩貢知德陽縣成都衛卒爲其尉凌虐尉以事入德陽境衛卒潛聚於仙人鎮欲

殺尉縣捕兵救免尉告鎮民窩盜殺人縣令失覺察鎮民懼罪逃匿自勉如不聞徐縛衛卒十餘人白其狀上下恬然民始復業軍輿輓運時值審丁卽照丁給米運之民得不擾見雲南通志

張緒漢川人萬厯初知德陽縣事以一老僕偕來步入城人不知其爲令也自奉甚約政惟與民休息去之日猶捐廩以助城工橐僅餘五十金尉知其貧遣役齎送至家緒乃白漢川令給符發卒偕役返金至日邑人無不泣下太守耿公爲作去思記稱其與前令許吳同爲不朽云見舊志 按所云許吳未詳所指何人或謂許遜

德陽縣新志

卷九

職官

八

吳淑也

傅順孫昆明人

張霈渭南選貢

史載道丹徒舉人

柯鏵江南人

任思永貴州選貢

丁汝彥貴州舉人

高如雲昆明舉人

蔡懋廉婁縣舉人俱萬厯中德陽

縣知縣 以上竝見舊志

樊鼎遇黃岡人自幼穎異博雅好奇萬厯中以選貢知德陽縣事吏治敏練繕城築堰置義倉勸經樓捐俸購書四千餘卷以誨諸生皆其措施之大者父玉衡侍御以建言謫戍鼎遇伏闕請代不許直指彭公爲特奏乃得旨卽日告歸著有遁林小草蓋草等書數百卷見舊志

按名勝志所引樊真公德陽錄畧亦其一也
方廷蘭天啟七年德陽縣知縣見舊志

龔之安澧州人德陽縣知縣崇禎十四年賊寇蜀死守遇
害乾隆四十一年

賜諡節愍見殉節諸臣錄

侯俊成化中主簿 閻文宏治中主簿竝見州志

李充輝豐城人宏治中爲德陽縣主簿慷慨多大節以清
白自勵於勢利泊如也先是龍州夷酋叛拒累年招諭
莫能得其要領充輝持節往諭極陳朝廷撫馭之恩歷
舉自昔邊夷梗化之禍且力卻其贈金夷酋畏服遂感

德陽縣新志

卷九

職官

九

泣與充輝偕詣臺院數其過而宥之反側乃定見舊志

崔紹 張价 楊達俱正德中德陽縣主簿 杜資 王

維翰 奚洪 趙舉 高巖俱嘉靖中德陽縣主簿

殷于清 陳祥蛟 李鋒 戴廷重俱萬曆中德陽縣

主簿 以上竝見舊志

王永修洪武中德陽縣教官見舊志

蔣夔太和監生洪武中爲德陽縣訓導克端模範終日寒
氊清苦自守與諸生講究不倦後擢蜀府伴讀見舊志

汪洪 彭永寧俱宣德中德陽縣教官 周正 張璉

楊經 甘宣 艾旭 胡澄 彭鎬 胡謨 趙康

李溥 王璽俱成化中德陽縣教官 袁珣 趙俊俱
宏治中德陽縣教官 胡定 史鑑 張倫 柳維
毛承吉 關效葵 李文熙 楊遵 劉元會 鄒堯
佐 徐清 許伯俱嘉靖中德陽縣教官 王宗 倅
于京 胡孔昭 張桂華 羅萬象 王廷極 劉蒙
周光訓 彭倫 雷鳴宇 楊獻可俱萬曆中德陽
縣教官 皮昇 胡納川俱天啟中德陽縣教官 以
上竝見舊志

王純臣鄖陽人天啟中爲德陽縣教諭率已嚴正博辨好
古能詩詞著訓士納言以廉恥氣節爲重絕苞苴干謁

德陽縣新志

卷九

職官

十

一時士習爲之不變見舊志

王偕 高應元俱天啟中德陽縣訓導 張璫普定人天
啟中德陽縣教官 以上竝見舊志

高謙永樂中德陽縣典史見舊志

胡貞豫章人宣德中德陽縣典史舊志言其鼎興學校惜
未詳其事實無由得而攷也

王理 羅暹俱正德中德陽縣典史 周旼景泰中德陽
縣典史 朱紀天順中德陽縣典史 姚忠成化中德

陽縣典史 熊義 田世陞 何鍾俱正德中德陽縣
典史 衛忠 段釗 嚴璽 汪文言 宋時登 朱

文臣 鄭廷憲 黃廷文 趙體仁俱嘉靖中德陽縣
典史 曹元吉 畢逢臺俱萬曆中德陽縣典史 以
上竝見舊志

國朝

德陽縣知縣一員秩正七品歲支俸銀四十五兩養廉銀
九百兩額設衙役二十九名內門子二名皂隸十二名
馬快八名轎傘扇夫七名每名歲支工食銀六兩共銀
一百七十四兩件作三名每名歲支工食銀六兩學習
件作二名每名歲支工食銀三兩共銀二十四兩民壯
二十名每名歲支工食銀八兩共銀一百六十兩捕役

德陽縣新志

卷九 職官

十一

二名每名歲支工食銀六兩共銀十二兩
教諭一員秩正八品歲支俸銀四十兩額設衙役四名內
門斗二名膳夫二名每名歲支工食銀六兩共銀二十
四兩

典史一員秩未入流歲支俸銀三十一兩五錢二分養廉
銀八十兩額設衙役六名內門子一名皂隸四名馬夫
一名每名歲支工食銀六兩共銀三十六兩

雍正八年添設德陽縣縣丞一員今裁康熙二十七年
復設訓導一員雍正七年分設羅江縣

知縣

李如樾順治十八年知德陽縣事增修學宮勉勵士子親
爲講說教化大行視民猶子莫不畏而懷之樾舊志亦
作樾

屠直陝西城固人順治辛丑進士康熙八年令德陽時距
兵火未遠荆棘叢生人烟寥落招徠撫綏民皆樂業又
建衙署修街道勤勸課給牛種秩滿遷嘉定州知州去
之日士民感戴遮道流涕立主祀之

張萬春浮山人漢州知州八年署 余國搢湖北拔貢八
年任 伍約杓福建舉人十一年任 溫興仁遼東舉
人十二年任 朱典江西人 黃彪貴州舉人 馬晟

德陽縣新志

卷九

職官

七

奉天進士 許震元寧夏舉人十九年任 謝良球浙
江進士二十三年任 別楣湖廣進士二十五年任初
輯縣志 王佩蘭陝西人二十八年任

戎澄浙江進士康熙三十六年蒞任德陽政尙清和建學
明倫課士勸農卓有治績凡五年晉部郎

冷宗昱黃陂進士康熙三十九年蒞任德陽清廉不苛時
縣境土廣人稀宗昱竭盡心力招徠開墾分給牛具子
種從此人煙漸集行取晉部郎官至鴻臚寺正卿

孫復興奉天人四十二年任

吳雙江南潛江歲貢四十六年蒞任德陽仁明清苦不傷

財不勞民邑人德之去之日紳士塑像於許旌陽之側
歲時瞻拜

叢方涵字初渠江南如臯人丙戌進士五十二年任才幹
卓邁屢雪冤獄上憲器重之會大兵征西藏邑當衝道
方涵從容應之徵收催科民不知役卒於官閭閻思其
遺愛建坊署前顏曰民之父母又塑像附於許旌陽之
右

丁志一日照丙戌進士五十八年任 李維祥順天監生
五十九年任 王榮命真定人酉舉人雍正八年署

王理奉天甲午舉人雍正九年蒞任德陽耿介剛正人不

德陽縣新志

卷九

職官

三

可干以私獄訟早結案無畱牘吏畏民懷一時稱爲良
宰事神尤誠敬每享祀必親視豐潔街心四面鼓樓其
所初建蒞任五年以艱歸去後士民追思不忘

夏詔新雲南姚安拔貢乾隆元年署

崔浴德江西丁酉舉人乾隆二年署德陽縣事愛民禮士
捐貲開梓潼堰民享沃野之利推俸建儒學署築北河
堤以保固城垣助故屬員贖金俾得歸葬後遷樂山令

李善元福建舉人三年任 秦景曾江南癸巳舉人奉天

籍三年署 楊如沂江西舉人四年任

闕昌言字堯俞湖北孝感人五年蒞任德陽勸課農桑暨

鹽不倦尤畱心水利邑中稻田資於河堰者十之二資於泉堰者十之七先是民間秋冬後不知蓄水至春作田涸土坼堰水不敷浸灌往往棄而不治膏腴鞠爲茂草昌言始令民於收穫後以秋水之餘滿浸稻田歷冬及春盈而不涸及栽插稻苗挹彼注茲無不霑足迄今綠野青疇繡鋪綺錯皆曰闕公之遺愛也嘗纂輯縣志後來作者多仍其舊云

桂庸九年任 柳闕十五年署

周際虞字賡堯直隸豐潤舉人十九年蒞任德陽以敦教化明人倫爲先先是書院生童多以遊談廢學際虞於

德陽縣新志

卷九 職官

十四

釋菜後日省月試獎其勤而戒其惰其功專學優者出廉俸以資其膏火一時子衿佻達之風爲之不變有董二者幼喪父無兄弟性嗜酒嘗因醉誅母母訴焉責而遣之戒無犯至再三乃謂其母曰爾子不悛當致於死令市棺置堂下納二於棺蓋而釘之二於是呼號乞命母亦感泣嘆曰此子天性未泯是猶有人心也復開棺出之母子拜謝二自此戒酒改行孝養無閒云嘗續修縣志今多仍之

陳天德山西舉人以縣竹縣知縣權署 鄧孝至全州丙辰舉人二十九年任 李峩鳳翔乙丑進士三十一年

任 劉祿山西汾陽副榜三十九年署 劉逢泰陽湖
庚辰舉人四十年任 張邦桓湖南醴陵貢生四十二
年署 七寶鑲黃旗辛卯舉人四十六年任 袁以堦
南昌丁丑進上四十七年任 范烜四十八年任 黃
河清臨海壬辰進士五十一年任 王璵 富森保鑲
紅旗人繙譯中書議叙五十二年署 李竝楷上杭戊
午舉人五十三年署 楊浚明休寧壬寅副榜五十三
年署

王學濂字志周浙江仁和進士五十四年蒞任德陽性方
嚴人無敢干以私有典試過縣索騎馬學濂曰典試所

德陽縣新志

卷九

職官

五

至扃門封輿功令森嚴奈何騎馬與士民見面乎卒不
與典試怒步行出城上憲聞而益重之時方有事西藏
邑當衝道羽檄星馳軍書旁午迄於納款之年大軍往
返經過者不一次而夫馬供給酬應紛煩恆以身任之
綜理精細一毫不累民間奏凱之日往來迎送千里相
屬沿途供頓爭以華麗相尚惟德陽從容應之輿馬飲
食取其能給行臺驛站取其能容大軍過境無不肅然
而民間若不知有供億者省費以鉅萬計居官務實政
不立虛名以勞勩卒於官士民殮賻以歸其喪至今猶
繪像事之

張星煒華陰辛卯舉人五十八年署 姜貽經直隸大名
舉人五十九年任 王鏊五十九年署 鍾蟠雲臨安
戊戌進士六十年署 李毓璣貴州舉人嘉慶四年署
丁亥癸卯日照丙午舉人嘉慶五年署 王衡陝西咸寧
監生六年任 任會芬大興癸卯舉人六年署 彭永
芬江西高安監生七年任 鄭觀光臨清州甲寅舉人
九年署 吳經世浙江錢塘監生嘉慶十二年任重修
縣志 汪賢書浙江錢塘監生十三年署 杜彩章河
南靈寶舉人十五年任 賀懋椿湖南寧鄉進士十九
年署 吳經世十九年回任 李傳杰江西臨川庚子
舉人二十二年任 王陞元山西趙城甲寅舉人二十
四年任 謝玉珩陝西安康庚辰進士道光三年署
張印賢河南祥符甲子舉人三年署 王陞元四年回
任 陳大溶順天宛平監生六年署 黃傑福建龍巖
州壬午進士七年任 邵鎮浙江餘杭廩貢九年署
裴顯忠順天大興戊辰舉人福建閩縣籍十年任 姜
廷璨江蘇元和蔭生十二年署 裴顯忠十三年回任
劉遐亮十六年署 裴顯忠十七年回任

教諭

何憲宗涪州副榜康熙四十二年任 杜延年康熙四十

德陽縣新志

卷九

職官

六

四年任

張俸字廉夫嘉定壬午副榜康熙五十二年任德陽教諭品望高雅博古能詩訓士以敦孝友勵廉恥爲先誘人爲善孜孜不倦每分俸濟士之窮而力學者卒後圖書之外別無他物士子至今追思不忘

劉曰麟仁壽拔貢康熙五十一年署

楊元捷字冲三永川副榜雍正六年任德陽教諭風流爾雅而教士矩度甚嚴雖盛暑必衣冠危坐見之者無不加敬文章詞藻人競羨服時縣令王理亦畱心學校士行爲之益修後以告休歸

德陽縣新志

卷九

職官

七

王處仁富順貢生雍正中任

倪沛眉州拔貢

周禮闈

中副榜乾隆元年任

武士龍新繁拔貢十三年署

周潛修宜賓舉人十五年任

李毓國峩眉拔貢二十

九年任

李俊棠東鄉舉人三十年署

冷昇銅梁恩

貢三十年任

黃帝錫青神歲貢三十一年任

尹順

鼇資州恩貢三十二年任

何儼昭化歲貢三十四年

署 吳啟遠青神副榜三十五年任

李遴春樂山舉

人四十八年署

何大士蓬州拔貢五十年任

郭若

偉舉人嘉慶三年署

王繪聲奉節副榜四年任

陶

學淵字鶴灘江油拔貢十七年署

李敦美字尊五三

臺廩貢十八年署 馮元棟慶符拔貢十八年署 劉
乙照南充廩貢道光三年任 張珩漢州拔貢四年任
鄭華春郫縣廩貢六年任 楊毓秀秀山戊辰舉人七
年任

典史

陳士俊通州吏員雍正中任

戴嘉謨宛平吏員雍正四年任德陽典史循分稱職清苦
自甘率後衣衾莫備邑令崔浴德及士庶咸捐金助焉
張毓榮陝西咸陽人乾隆九年任 陳廷瑞大興吏員二
十七年任 李式厚錢塘監生三十一年署 楊時保

德陽縣新志

卷九 職官

六

武進監生三十三年任 趙爲楫山陰吏員三十九年
任 張國棠宛平監生四十二年署 李集雲洪洞監
生四十三年任 吳紱紹欵縣監生五十七年任 王
佐宛平吏員五十八年署 陳國泰陝西長安吏員五
十八年任 顧繡丹徒供事議敘嘉慶二年署 儲泉
貴池供事議敘二年署 劉煒安徽旌德供事議敘三
年署 祝炳仁和供事議敘五年署 張濬陝西鄠縣
監生六年署 張淳浙江錢塘供事議敘七年署 薛
灝清宛吏員十一年署 楊淞皋懷寧監生十一年任
席存濬太湖廳監生十二年署 王彝勳江寧監生十

三年任 姚令鐸江蘇婁縣監生十六年署 丁琳河
南監生十七年署 王彝勳十九年回任 方炳桐城
監生二十三年署 戎繼祖大興供事二十四年任
王恆謙大興監生道光三年署 張琢山東曲阜供事
三年任 程丹葵武進監生八年署 張琢九年回任
魯諭大興監生十三年署 張琢十三年回任 汪
謙益錢塘監生十五年署 黃之沂南豐監生十五年
署 黃昶湖南長沙供事十六年任

舊設訓導今分設羅江縣

附

陳清簡鹽亭歲貢康熙二十七年任 楊繼震松潘歲

德陽縣新志

卷九

職官

九

貢二十九年任 詹彭齡筠連歲貢四十六年任 王
學開鄰水歲貢五十一年任

湛霖字雨同酆都歲貢康熙五十二年任德陽訓導篤信
好學節儉自守行年七十餘手不釋卷耄而好學士民
共稱有衛武公之風以告休歸

張宏學溫江歲貢雍正七年任

分防

分防德陽汛城守左營右哨貳司把總一員秩正七品歲
領養廉俸薪銀共一百四十四兩例馬一匹原隸城守
營參將管轄帶領馬兵三名營馬三匹戰箭七十枝每

名歲額米折草乾銀三十六兩戰兵十名每名歲額米折餉乾銀二十兩守兵三十名每名歲額米折等銀十四兩六錢塘坊六座每塘設兵二名每名歲額銀十四兩六錢額設盜三十六頂甲三十六副鳥鎗三十一桿旗幟一堂如有損壞自行捐修並無鑼鍋帳房及大炮位其兵弁銀兩均赴城守左營守備衙門請領自嘉慶二十四年改換營伍德陽汛撥歸縣州營都司管轄每年養廉俸薪及各兵米折銀錢均赴縣州營都司衙門請領會同文員監散出印結轉報其馬兵三名仍歸城守營管轄每歲米折草乾銀亦仍在城守營請領所有

盜甲旗幟並鳥鎗八桿概行繳還城守營收貯汛署只存鳥鎗兵丁二十三名鳥鎗二十三桿弓箭兵丁十五名每名戰箭三十枝字識二名六塘小炮位共十八尊以爲迎送大憲之需

何奇 王啟明 姚士先 吳振邦俱康熙中任 王世

福 陳善 熊應麟俱雍正中任 余祥漢州把總署

耿宣乾隆四年任 王璋寧夏武舉五年任 熊良

佐武舉八年任 徐坤永寧人行伍 李廷臣行伍後

累升至肅州鎮總兵 陶成勳崇慶州武舉 謝榮成

都人行伍俱乾隆中任 王步雲武舉嘉慶元年任

李廷瑞行伍 袁超蔭生 劉國泰寧夏人行伍五年
任 王相明行伍十二年署 丁朝清灌縣人行伍
高定邦新都人世職雲騎尉署 陳國賢成都人把總
十八年任 廖懷華陽人漢州外委十九年署 彭世
忠號鐵臣華陽人提標右營把總二十二年署 陳國
賢二十五年復任 李世玉成都人緜州營外委道光
元年署 張順號颿風邠縣人把總二年任 龔廷斌
灌縣人魏城外委七年署 張順八年回任 彭世忠
十二年任 張順十五年復任